



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-3171/08  
Sarajevo, 21.1.2010. godine

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 22.01.2010

Organizaciona jedinica	Klasifikaciona oznaka	Redni broj	Broj priloga
0-50-1+15		42	08

**PARLAMENTARNA SKUPŠTINA BiH**

*- Zastupnički dom -*

**SARAJEVO**

**PREDMET:** Odgovor na zastupničko pitanje – dostavlja se

Vijeće ministara Bosne i Hercegovine, na 113. sjednici održanoj 21.1.2010. godine, utvrdilo je Odgovor na zastupničko pitanje koje je postavio gosp. Rifat Dolić, zastupnik u Zastupničkom domu Parlamentarne skupštine Bosne i Hercegovine.

U privitku dostavljamo Odgovor uz molbu da isti uručite zastupniku.

S poštovanjem,



**GENERALNI TAJNIK**

*Zvonimir Kutleša*



**BOSNA I HERCEGOVINA  
VIJEĆE MINISTARA**

Broj: 05-50-3171/08  
Sarajevo, 21.1.2010. godine

Rifat Dolić, poslanik u Predstavničkom domu Parlamentarne Skupštine Bosne i Hercegovine, na 42. sjednici održanoj 17. i 29.12.2008.godine, postavio je sljedeće poslaničko pitanje:

" Koje međunarodne konvencije, sporazume, protokole i memorandum Bosna i Hercegovina do danas nije potpisala i ratifikovala, a za to postoji objektivno izražen interes države BiH i njenih institucija i građana i koje državne institucije su pojedinačno nadležne i odgovorne da pokrenu inicijative i izvrše njihovo potpisivanje? Molim da mi se na ovo pitanje odgovori analitički navodeći spisak nepotpisanih konvencija, sporazuma, protokola i memorandum i institucija BiH koje su nadležne i odgovorne za njihovo iniciranje i potpisivanje".

Na postavljeno pitanje, Vijeće ministara Bosne i Hercegovine je na 113. sjednici održanoj 21. 1. 2010. godine, utvrdilo sljedeći

**ODGOVOR**

Inicijativu za pokretanje postupka za zaključivanje međunarodnih ugovora mogu dati institucije Bosne i Hercegovine, entiteti, kantoni, i druge regionalne i lokalne zajednice, te preduzeća, ustanove, nevladine organizacije i druga pravna lica iz područja svog djelovanja.

Inicijativa za pokretanje postupka za zaključivanje međunarodnih ugovora dostavlja se Vijeću ministara Bosne i Hercegovine preko ministarstva Bosne i Hercegovine u čiji djelokrug rada spadaju pitanja koja se uređuju međunarodnim ugovorom.

Dakle, međunarodne konvencije, sporazumi, protokoli i memorandum za koje postoji objektivno izražen interes države Bosne i Hercegovine za pristupanje i potpisivanje u nadležnosti je ministarstva Bosne i Hercegovine u čiji djelokrug rada spadaju pitanja koja se uređuju međunarodnim ugovorom, te smo mišljenja da bi ovo pitanje trebalo uputiti svim ministarstvima u Vijeću ministara Bosne i Hercegovine.

Međunarodne ugovore u ime Bosne i Hercegovine zaključuje Predsjedništvo Bosne i Hercegovine.

Predsjedništvo Bosne i Hercegovine može ovlastiti Vijeće ministara Bosne i Hercegovine i druge nadležne organe Bosne i Hercegovine da zakluče određeni međunarodni ugovor.

Ministarstvo vanjskih poslova Bosne i Hercegovine je nadležno za davanje mišljenja o vanjskopolitičkoj ocjeni razloga za zaključivanje ugovora i usaglašenosti sa odredbama međunarodnog ugovornog prava, te za ratifikaciju međunarodnih ugovora, a što je u skladu sa odredbama Zakona o postupku zaključivanja i izvršavanja međunarodnih ugovora ("Službeni glasnik BiH", br: 29/00).

Skrećemo pažnju da postoji nekoliko hiljada međunarodnih konvencija, sporazuma, protokola i memoranduma koje nije zaključila Bosna i Hercegovina, tako da je neizvodivo nabrojati one koje nisu potpisane. Inicijativu o pristupanju multilateralnim konvencijama i zaključivanju bilateralnih sporazuma, pokreće ministarstvo koje je nadležno za oblast koju pokriva sporazum.